



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

complectens sanctos Mensium, Ivlivm Avgvstvm & Septembrem

Lippeloo, Zacharias

Coloniae Agrippinæ, 1603

Vita S. Svwithvni, Episcopi VVintoniensis, ex ea quæ est per Gotzelinum
Morinen. Excessit ex humanis anno Christi 862.

urn:nbn:de:hbz:466:1-42728

dicinam exhiberēt. Tunc illa, oleo ac fale benedicto, eoq; eis tradito, animam in manus Creatoris suauissimè efflauit. Post obitum verò de memorata benedictione multi incolumitatis beneficia perceperunt: prorsus vt miraculorum operatio multò quàm antè clarius fulgeret.

Claret miraculis post mortem.

VITA S. SVVITHVNI, EPISCOPI *Vide Notat.*

VVintoniensis, ex ea qua est per Gotzelinum C. Baro. In Morinen. Excessit ex humanis anno Christi not. Martyro: Roma.

862.

Itē Ioan. Me lanū in Ann. Marty. Vsuardi.

GLORIOSO rege Anglorū Egberto regnante, qui regi Kinegilpho, ab idolatria per beatū Birinum conuerso, octauus in regni administratione successit, beatus Suuithunus pater & pastor in Ecclesia Dei futurus, cursus sui in stadio mūdi huius exigēdi accepit exordiū. Annis verò puerilib. pia simplicitate trāfactis, iugo Dominicæ seruitutis suis ipse humeris alacriter imposito, tandē sub Helinstano VVintano Episcopo ad sacerdotij honorē prouectus est. Eam dignitatē cū multis virtutib⁹ sanctissima indole dignis adornaret, fama eius celebri vulgata sermone ad regis aures peruenit; qui accersito & inter præcipuos amicos numerato, filiū ei suū * Adulphū liberalibus disciplinis erudiendū, & sanctis moribus imbuendū tradidit: quē postea Subdiaconū ordinauit. Attamen patre eius sine hærede ex hac vita decedente, vxore ducta, Leone Pontifice sacrum vinculū soluente, regni gubernacula suscepit.

2. Iulij.

Fit sacerdos sub Helinstano Episcopo VVintano.

** Alidulphum.*

S. Swithunus Helinstano in episcopatu succedit.

Defuncto verò Helinstano antistite, omnium votis Suuithunus electus est; cuius precibus & exhor-

exhor-

Miraculum.

Nudis pedibus consecraturus ecclesias incedit.

Præclara eius virtutes.

Eius beata mors.

exhortationibus rex Adolphus permotus ecclesijs Dei vniuersam decimam terræ regni sui benignè donauit, ac liberè perpetuò vendicandâ concessit. Idem sanctus cùm ponti VVintoniēsi, qui ad orientem est, cōstruendo operarios suos sumptibus destinasset, & illi ludibundi ac lasciuia soluti, exposita mulieris cuiusdam oua venalia cōfregissent, antistes pietate permotus, vas in quo contracta erant oua, Crucis signo signauit, ouaq; (dictu mirū) incorrupta & integra restituit. In ædificandis ecclesijs assiduus erat; dirutas & contractas insuper instaurans: quas ritu solenni dedicaturus, non equo vehebatur sublimis; verū spreto inani sæcularis pompæ apparatu: solis clericis & familiaribus suis comitantibus, nudis pedibus incendens consecrabat. Cōuiuas mensæ non homines locupletes, sed pauperes & egenos aduocabat; quorum patrociniū suscipiebat, eosq; vt fratres suos & regni cælestis hæredes diligenter fouebat. Vigiliarum & inedia fuit mirè patiens; prorsus vt non nisi breuissimo eoque leui cadentes oculos somno reficeret. Moribus ad eò suauibus compositisque fuit, vt nihil eius colloquio dulcius, nihil adhortatione salutarius videretur. Porrò in monendo hortandoq; erat assiduus, nullam temporis partem otiosam transmittens, quin aliquos vel è cœno peccatorum eriperet, vel stantes in virtute confirmaret. Deniq; pacis & sanctimonie custos, fontem vitæ æternæ indefinenter ficiens, foelicissimè tandem ab hoc sæculo ad sydereas mansiones migravit sexto Nonas Iulij. Voluit verò vir sanctissimus corpus suum extra ecclesiæ septa loco vili tumulari.

Post

Post obitum multis coruscavit miraculis; inter quæ apparuit cuidam viro, incredibili membrorum omnium infirmitate laboranti; admonens, vt Etheluuoldum Vintoniensem episcopum adiret, diceretq; ei, vt corpus ex diuino mandato intrâ ecclesiam digniori loco honorificentius tumularet. Si diffidat & hæsitet, testimonij loco habiturum sanitatem, quam profligato eadem hora morbo, quo diu laborasset, ilicò esset recuperaturus. Addit etiam, vt ad locum sepulturæ veniat, vnum ex ferreis annulis, qui etiamnum lapidi infixi visuntur, sinè vlla lapidis læsione extracturus, rursusq; pari facilitate, nihil læso lapide, in suum locum repositurus. Surgit ille perfectè sanus; vti prædicta erant, omnia reperit; cunctaque ex ordine Episcopo enarrat.

Etheluuoldus igitur antistes corpus sanctissimum leuaturus, miram odoris fragrantiam percepit. Ibi tum miracula, quæ consensisse videbantur, protinùs renouata sunt. Mulier cæca illustrata, & multi varijs pressis ægritudinibus, eius meritis curati sunt. Incidit ea translatio in annum ab obitu illius centésimum decimum, incarnationis Dominicæ 971. Idus Iulij. Eodem die puer, à natiuitate membrum omnibus contractus, sanitatem ibidem obtinuit. Mulieres tres, oculorum lumine orbatæ visum receperunt. Alia verò nexibus ferreis in carcere compedita, eius ope, quam implorabat, ruptis vinculis liberata est. Paralyticus curatus, matrona nobilis, sed cæca, illuminata. Homines quinq; & viginti, varijs morbis vexati, perfectè restituti: & alij penè innumeri, quos longum nimis foret

Præclara eius post obitum miracula.

Eius translatio & miracula.

D

refer.

referre, vtriusq; sexûs alijs atque alijs beneficijs affecti.

*Statua S.
Swithuni, &
miracula ad
943.*

Antistes Schireburnensis quandam statuam S. Swithuni à fratribus obtinuerat; quam in Ecclesia sua honorificè collocavit: vbi præclara miracula crebrò edi solebant. Ad eam quidam lepra infectus, nulla quidem recuperandæ sanitatis spe, sed stipem ab aduentatibus petiturus accesserat. Cumq; ut fit, somno correptus paululum illuc obdormiisset, visus ei Svithunus adesse, qui manu sua lepram abstergeret, morbumque omnem repentè depelleret. Euigilans, lætus coràm omnibus soluto cingulo se purgatum ostendit.

VITA S. OTTHONIS, EPISCOPI BA-

*Vide C. Ba-
ron. in Notat.
Martyr. Ro-
man.*

bengergensis & Apostoli Pomeranorum; ex ea qua est sincera fide apud R. P. Laurent. Surium. Migravit è corpore anno Domini 1139. Interfuit Concilio Moguntino anno 1131. Adscriptus fuit in SS. numerum à Clemente Papa tertio, anno 1189. Sed translatio solenniter celebratur 30. Septemb.

*S. Iulij.
Patria & pa-
rentes eius.*

BEATISSIMVS Ottho, è Sueuia oriundus, parentes habuit Bartholdum Comitem & Sophiã; nobilitate magis quàm rerum opulentiã insignes. Ij cum filium suum in prima ætate literis traditum, ad puberes annos perduxissent, vitæ munere perfuncti, facultates domumque filio alteri Frederico, absente nimirum Otthone, tractandas gubernandasq; commiserunt. Otthone igitur studiorum causa à patrijs laribus procul remoto, frater eius adhuc penè puer domesticam rem pro viribus gubernabat:

tenu-